

[341v] [*en marge*] Parochialis sancti Quirici Vallicae

Die prima iulii 1686.

Praefatus dominus visitator (etc.) visitavit ecclesiam parochialem sub invocatione sancti Quirici de Vallica, cuius ad [praesens] est rector admodum reverendus dominus Ioannes Andreas de Astolfis, quam assequutus duobus circiter abhinc annis per permutationem habitam cum admodum reverendo domino Octobello de Alexandris, nunc rectore ecclesiae sancti Nicolai de Porri, percipiens in annuo reddito libras biscentum monetae Genuae circiter, consistentes in primitiis, oblationibus et proventibus bonorum stabilium dictae ecclesiae.

Visitavit sanctissimum sacramentum, quod invenit asservari in pyxide ex auricalco cum cuppa argentea in totum deaurata, conopaeo albi coloris et cruce in eius summitate instructa, atque inservit pro adoratione et communionibus generalibus.

Visitavit aliam pyxidem parvam pariter ex argento intus deaurata cum bursa serica albi coloris, quae inservit pro asportando sanctissimo viatico ad infirmos.

Dictum sanctissimum sacramentum asservatur ad altare maius, quod est unicum in dicta ecclesia, in tabernaculo ligneo exiguae formae in totum deaurato, conopaeo varii coloris instructo et munito ser<r>a secreta et clave ad formam. Supra dictum tabernaculum adest baldachinum ligneum et supra (?) sanctissimum sacramentum pendet lampas, sed absque vase vitreo, idcirco mandavit de eo provideri. Dicta lampas continuo ardet ex impensis communitatis, quae etiam providet de caereis pro deferendo sanctissimo.

Pluviale non adest nec ostensorium pro espositione [*sic*] sanctissimi, sed propter inopiam communitatis nihil ordinavit. Visitavit umbellam ad formam et mandavit in summitate eius apponi crucem. Velum humerale sericum [342r] viridis coloris et etiam thurribulum cum eius navicula ex auricalco adsunt ad formam, sicut etiam adest una lanterna magna pro deferendo sanctissimum et etiam baldachinum sericum viridis coloris.

Visitavit fontem baptismalem, cuius vas est marmoreum, ciborium vero ligneum, conopaeo cerulei coloris instructum et munitum ser<r>a secreta et clave quae detinetur paenes dominum rectorem ad formam.

In eodem fonte invenit asservari vasa stamnea oleorum chrismatis et cathecumenorum ad formam, vidit etiam cochlear pro suscipienda aqua etiam stamneum. Supra dictum fontem mandavit appendi umbellam seu baldachinum et etiam apponi in eo imaginem sancti Ioannis Baptistae Christum baptizantis.

Visitavit oleum infirmorum in vase stamneo cum bursa, quae [quod ?] invenit asservari in

scamno, et ideo mandavit in posterum asservari debere in quadam fenestrula iam constructa in pariete prope altare maius in cornu evangelii, quam mandavit muniri ser<r>a secreta et clave quae detineatur paenes dominum rectorem, et desuper in[s]cribatur litteris maiusculis *Oleum infirmorum*.

Visitavit suppellectilia sacra et invenit [342v] asservari in quodam scamno munito ser<r>a secreta et clave quae detinetur paenes dominum rectorem, et sunt sufficientia, mandavit tamen de novo rituali romano provideri saltem infra sex menses, mandavit etiam casulam nigri coloris quae est in aliqua parte fracta readaptari.

Doctrina christiana docetur singulis diebus dominicis per dominum rectorem inter missarum solemnias.

Nuptiae non benedicuntur, ideo mandavit in posterum benedici ad formam missalis romani, et si sponsi negligentes fuerint in petenda benedictione contra eos poenam statuendam (etc.).

In dicta ecclesia reperitur societas mulierum auctoritate ordinarii erecta, quae gubernatur a domino rectore sub quibusdam regulis ab ordinario approbatis. Dictae mulieres habent suas officiales, cuius caput dicitur priora, quae renovantur singulis annis, carent massa pecuniaria quae iam dissipata est, solebant tamen antiquitus providere altare de candelis pro missis celebrandis, sicut de praesenti, et etiam sorores defunctas de caeris pro sepulchralibus exequiis, sed modum providere non possunt; solent tamen dictae mulieres congregari singulis mensibus in ecclesia, ubi coram eis per parochum leguntur regulae et aliae praeces effunduntur.

Visitavit sedem confessionalem et mandavit [343r] provideri de lamina ferrata et etiam de summario bullae Coenae.

Corpus ecclesiae est tolerabiliter ad formam et in ea reperiuntur duo monumenta sepulchralia, unum pro viris et alterum pro foeminis, mandavit tamen tertium fieri pro parvulis sepeliendis, saltem infra annum. Visitavit etiam campanile cum duabus campanis ad formam. Fores ecclesiae sunt ad formam, munitae clave quae detinetur paenes parochum.

Visitavit libros parochiales et non invenit, ideo mandavit quatuor libros de novo confici, unum pro matrimoniis, alterum pro baptizandis, <et> tertium pro defunctis et ultimum pro statu animarum, et in eis ad unguem servari formam ritualis romani.

Animae huius parochiae sunt in totum centum quadraginta circiter, ex quibus

communicantur octuaginta, et omnes paruerunt ecclesiae praecepto, scilicet praesentes in parochia.

Visitavit sacrarium prope fontem baptismalem et mandavit muniri serena secreta et clave quae detineri debeat paenes parochum.

[*en marge*] Oratorium beatae Iacobi

Visitavit oratorium sub invocatione sancti Iacobi situm prope ecclesiam parochialem, quod manutenetur a confraternitate laicali ibi erecta auctoritate ordinarii, et servit sub quibusdam [343v] capitulis quae dictum fuit fuisse asportatam per dominum cancellarium episcopalem quando fuit hic in actu visitationis.

Dicti confratres induunt cappas albas et habent priorem et massarium qui renovantur per semestrem, sed dictum fuit dictam confraternitatem quammaxime diminutam esse et eius massam pecuniariam esse dissipatam, adeo ut nequeant dicti confratres providere, ut solebant, defunctos de caeris. Dictum fuit etiam propter paucitatem fratrum interessentium raro rarius recitari officium beatae Virginis, ut solebat, diebus festivis.

Visitavit altare manutentum ab eadem confraternitate, provisum tolerabiliter de requisitis ad celebrationem missae quae in eo aliquando solet celebrari absque ullo reddito et onere. Supra altare adest icon cum baldachino ad formam.

Corpus oratorii est tolerabiliter ad formam, sicut etiam sunt eius fores, munitae clave quae detinetur paenes priorem.

Visitavit aedes canonicales, quas invenit nimis angustas. In hac parochia adest unus reverendus, scilicet presbiter Angelus Baptista, qui ut attestatum fuit [344r] per dominum rectorem est bonae vitae et inservit ecclesiae.